

玄覽堂叢書

第九十九冊

大覺堂藏書

卷之三

經世急切時務

九十九籌卷之五

延陵顏季亨會通著

瀨江門人

陳吳上

晉全校

培護兩京

嘗云治國如理家。守堂室而不守藩籬。是之謂揖盜而入。又云圖事貴知務。尋枝葉而忘其根本。是之謂空國以戰。何謂藩籬。昔日之遼與今之薊門是已。何謂根本。在北爲燕。在南爲金陵。是已。燕都古幽薊之地。左環滄海。右擁太行。北枕居庸。南襟河濟。阻三面而守。以一而制天下。然遼瀋開鉄廣寧。皆左臂之重鎮。既望風瓦解。今中國與



夷特山海一牆之隔耳其沿邊一帶隘口如一片石喜峰口等處既宜在在防禦矣而榆關無險足恃則自都城以達關門凡可屯兵結陣者俱當察其形勢層層節節密布關鍵可也近京者爲通州州有新舊二城頗稱堅厚新兵幾及一萬食糧亦有數萬緩急可資苟畜兵于京誠莫若畜兵于通相去四十里一呼即至京中得兵之用而無養兵之擾過通爲三河縣東十里有河通寶坻宜漕之使深壅之使闕阻上則沙可襲潤下則水可每三河以往爲薊州山不甚險然城廓依岩又當孔道設以重兵守之賊不能過永平城有山有水山可設伏水可踞勝關門

以內所恃爲垣壁者。但隘口甚多。倘賊由它處侵入。或非
必由之地也。至畿南諸郡。則有三關七十二隘。使賊由間
道犯真。保諸邑。則天下兵馬入援之路絕矣。嘗留大兵守
此一線。使南北得以徑來。若京後之重垣久矣。宜設而
天津之海衛。豈得少弛。至居庸紫荆。切近北狄。此與山海
俱急者也。南京東連三吳。南引荆汝。大江環遶。淮淝內固。
江北則徐穎二州。北跨中原。故淮安特建兵府。亦示控扼
之勢焉。江南則安慶當長江委流。而控全楚。爲江表門戶。
鎮江當京口之衝。以通閩浙。蕪湖扼甌越之會。而按宣歙。
故議守金陵者。曰守城門。守雉堞。而摠不如防江。防江不

如扼要水路之要害。浦口是也。浦口與石城相對。下扼海門。最爲要緊。陸路則池河是也。池河在江北二百里。當築濬。增置李綱有言。六朝所以保有江左者。以強兵巨鎮。盡在淮南。荆襄耳。至閬州爲漕運要津。采石爲南中上遊。皆宜設兵戍守。而龍江關。新江口。下至黃天蕩。狼山等處。無一不宜加警者也。蘇常等郡。困于重賦。江洋大盜。防其橫決。亦當爲之經心者也。生南人也。備析南地之詳。然生南人而曾游北地者也。故欲其相望爲援。而聊陳其地形。以見南北根本並重。不得稍爲軒輊。如此。要以就目前之急。消內地之憂。則又有請焉。自廣寧旣潰之后。逃兵逃民。雜

處近。幾流離顛沛。無以爲生。若不散處安插。能保其帖然無恙哉。又况奔竄之中。焉知無奸細爲之偵探。虛實以作內應。此畿甸之可虞者也。若在陪京。訓練兵爲第一要務。下操不過扮戲節鉞。直爲杜郵。是宜募強兵以衛留都。不可挑現在以福國本。又况五方輻輳。能保無不逞之徒。內懷覬覦者乎。嚴立保甲連坐之法。是亦防奸之要着耳。

撫寧雲貴

滇黔輔車之地也。滇有變則黔不能獨存。黔有阻則滇無路可達。故當舉雲貴合論。貴州古無封域。皆羅施鬼國之地。國初隸四川行都司。續分隸川湖雲三省。永樂間剪牂牁之地歸諸版圖。因設土司而授之官。不當中國一大縣一線之路。外通滇南外戶。則守在永寧。芒部盤據廣土。蹲伏北藩。則憂先畢節。黎平寄治湖廣。五開衛銅仁僻處萬山。逼近苗穴。都勻程番與廣西接壤。素稱難治。鎮遠湖廣之衝險。頗足恃。思州石阡孤懸。可憂。惟思南城下有江。足通商旅舟楫。但民則漢夷雜處。官則流土相參。鴟張豕。

突貽患實深故香爐山苗普安米魯阿賈阿札等苗叛服
不常頃者水西諸部狂狡操戈逆執事之顏行矣夫黔夷
惟安酋最强自靄翠內屬後領夷羅民四十八部者安酋
也寧謐不擾得諸部心者安酋也龍仲宋蔡邛水之地南
冊烏羿之衆視聲息爲靜燥占影响而觀望者安酋也當
日樂源肇亂安酋且奉銅盤之盟效左臂之力蓋至千里
郎州一旦燼落彼雖淫狡之性豈盡慙然無平原之想耶
識者已知安酋之心不能帖帖然矣又况安酋之堅子以
地嘗我不開兵端而傷羈縻之至意乎夫喜則烏集怒則
麋散諸夷皆然宜奢賊之交構而苗仲之從亂也聞苗仲

反叛。管已勦蕩。豈虞其餘孽復熾乎。則勢不能坐斃。國
家必復以天威之赫。張撻伐于彈丸之區。固將待援于隣
藩之撫臣矣。然滇南沐府。威力勢足以攝夷。慨然出偏師
以佐之。苗酋即欲席卷貴陽一塊土。長驅辰沅。能不畏滇
兵之議其後。則沐氏之興師。勢似不能已者。况安之俗爲
羅羅。滇黔皆有之。能保不蔓引耶。愚且考之滇土。滇爲古
梁州裔境。地崇岡巖嶂。激澗縈紆。城郭人民。夷居十七。時
恬則蜂屯。蟻聚事迫。則獸駭禽奔。蓋人自爲險。勢難統一
者也。必知其要領。則雲南臨安大理永昌鶴慶楚雄。頗號
沃壤。然元安路納交趾。金騰地擁諸甸。瀾滄聯絡寧麗。曲

靖。彈。壓。烏。蠻。王。公。設。險。于。斯。矣。而。土。酋。大。者。元。江。武。定。景。
東。麗。江。小。者。姚。安。北。勝。鄧。州。霑。益。並。以。兵。力。稱。桀。向。背。靡。
常。蓋。自。麓。川。靖。後。滇。境。粗。安。則。沐。氏。世。與。有。力。焉。惟。尋。甸。
一。帶。風。土。絕。異。兵。衛。漸。疎。故。諸。羅。構。釁。相。尋。而。木。邦。孟。密。
亦。恃。其。險。遠。至。今。不。聞。悔。禍。夫。是。以。有。鎮。索。之。征。有。徇。獫。
藿。甸。之。征。隴。川。迤。西。之。征。蓋。苗。民。之。逆。乍。伏。乍。驕。滇。黔。一。
耳。目。今。滇。南。諸。夷。尚。未。有。攻。城。屠。邑。之。慘。黔。之。幾。折。而。入。
者。則。在。滇。政。當。悉。力。從。事。可。也。不。然。北。向。中。州。之。道。于。焉。
梗。絕。雖。滇。池。之。達。馬。湖。武。定。之。達。建。昌。川。陸。俱。存。久。而。榛。
基。開。粵。通。滇。想。今。日。所。宜。急。講。耳。乃。說。者。謂。蠻。獠。之。類。種。

族藩多安酋處。一有若紅黑諸苗。非與安酋角力者耶。若
普安金筑凱猱諸苗。非與安酋接壤者邪。未必其向背何
屬。亦可使之互相牽制。此所謂以蠻夷攻蠻夷。爲中國之
長技。是已。近門人元初爲愚言曰。安苗不道。幸有才兼文
武。神謀獨斷。如廣西何新撫。遣調狼兵奉命征勦。行將
傳檄定矣。愚日望之。愚日望之。雖然以黔之叢爾孤城。坐
受孱弱之病。卽蕩平之後。終無以懾諸苗之膽。無黔則無
滇。其何以成輔車之勢乎。愚又欲爲事。平日再計之。

防禦川湖

蜀楚唇齒之藩也。蜀中多事。勢且延及楚。非楚孰爲應援。故當舉川湖合論。四川古梁州地。劔閣表雲棧之固。瞿塘鎖巴峽之流。西擁雪欄。南接六詔。界以番族。阻以蠻部。山水襟束。自相籓籬。故奸雄割據。則盜兵不敢西窺。地饒而險扼也。然奸宄內作。懸車束馬。勢不相及。有難猝定。況上列親藩。重兵外戍。諸所供饋。咸取給焉。且松潘以孤城介在番域。而寄咽喉于龍州。千里轉運。輒爲番蠻所遮。斯則巴西之隱禍也。烏撒芒部諸夷。雖犬牙形格。仰我鼻息。然內相黨結。數起兵釁。且于叙瀘有相依之重。故疊茂松

潘絡繹羗虜建越馬湖連亘棘獠在疊茂則崇山深澗密
菁叢林輕生喜鬪唐號吐蕃是李贊皇之經營韋南阜之
處分而竟未得其要領者也在建馬則攢峯層嶂蔓延簇
布性謫情貪漢號南中緊武侯之區畫而卒主于攻心者
也大抵犬羊之俗叛讎不一雖間屈膝繫頸旋復肆騖揚
塵自

高皇帝撫平後獐獵之境沈黎之交木托桐槽黑骨夷等
往往相繼反噬亦相繼蕩平之頃者永寧土司奢崇明寇
重慶犯成都殺傷無算且將東阨夔門西絕棧閣得搗巢
而入乎夫蜀危累卵楚迫震隣則楚境不可不固守愚且

四言楚地。襄鄧抗其顛。斬黃引其掖。江寧制其腰。腹伊膝
南向。足以雄視諸勝。若鄖陽之障。陝洛柳桂之跨。閩粵辰
沅之捍。雲貴大江中貫。五溪外錯。荆楚扼塞。斯其備焉。但
道通九省。郵驛苦之。宗藩棋布。歲賦實煩。武漢德安。民
窮地瘠。承天。寢陵所在。費冗事煩。荆岳潯沔。間頻遭水
患。鄖襄水損田廬。長沙稅甲。它所黃州。澆頑常德。困憊辰
沅。半爲賊穴。麻陽諸洞。連結劫爭。曩歲支羅之害。實緣于
此。衡永僻饒。寶慶蘭靜。溪洞諸蠻。本以漢法。羈縻差易。馴
擾。惟承順保靜。世席富強。每爭奪獲罪。輒假戰功。自贖。今
幸稍獲安靖。所危者在黔蜀隣壤耳。荊州府之夷陵州一